

### AR FLOD GOAIEN (1)

An deiz foar santez Katel  
Sortias ar flod a river Bourdel  
Ha pa'z ae war ar rad mouilhet  
Ne oa tamm avel ebet.

Pa voe han deut war dal Pennmarc'h  
Neuze e oa avel awalch.  
Goulou a drevn goulou araok  
Emaomp breman e kreiz ar flod.  
Penaoz e vemp e kreiz ar flod  
Ni e Pennmarc'h o vont d'an aod ?  
Ma malloz da Bennmarc'hiz  
a zalc'h goulou en noz n'o illiz.  
Da Bennmarc'hiz, da Blozeved  
Ive Pennhorz hag an Drindet...

Kriz ar galon nep awelje  
en aod Pennmarc'h nep a vije  
O welout ar mor o virvi  
Gant ar wartoloded o veuzi.

(1) Autre version du chant publié dans le précédent numéro.

## LARIDE — Partition de tambour

O welout ar mor o ruzia  
 Gant gwad kristen o veuza !...  
 Piou a gaso kelou da Woayen  
 Eo kollet ar flod holl met unan ?  
 Piou a fell d'eo'h met ur chas-mare  
 Nemet ur chas-mare a rafe ?  
 Ur chas-mare a borz Louison  
 A sonje e doublfe an Helou...  
 Ne oa ket e gomz peurlavaret  
 Un taol mor en deus e veuzet...  
 An hini welje merc'hed Goayen  
 O tont d'an aod gant linseriou gwenn  
 O c'houl an eil gant eben  
 N'hoc'h eus ket klevet kelou ma den ?  
 Kelou ho ten ha ma hini  
 A zo war dal Pennmarc'h o veuzi...  
 Kriz a galon nep na ouelje  
 En korn an Dorc'henn nep a vije,  
 O welout ar c'horfou maro o tont  
 Da Blozeved hag ar C'hadon.  
 Ret eo benniga ar parkou  
 Evit douara ar c'horfou.  
 En Plozeved, er parkou eman  
 Goueliou lien ar flod o sec'han...

Kanet gant Nona Ann Dreon, merdead koz eus Kerity-Pennmarc'h.  
 Skrivet gant J.M. Luzel, embannet war : Annales de Bretagne T. 7 (1891-  
 92) Adskrivet ha reizhskrivet gant Herve Ar Menn (1967).